

Eldan Mujanović, Dr. sci.

Istraživački fokusi

Policija

Krađa motornih vozila

Pranje novca

Trgovina ljudima i krijumčarenje migranata

Internacionalizacija i europeizacija sistema krivičnog pravosuđa u BiH

Prognostika i strateško planiranje

Korupcija

Kratka biografija

Eldan Mujanović je rođen u Sarajevu 1981. godine. Dodiplomski studij završio je na Fakultetu kriminalističkih nauka (Univerzitet Sarajevo) 2004. godine. Magistrirao je 2007. godine na Fakultetu kriminalističkih nauka (Univerzitet Sarajevo). Doktorat kriminalističkih nauka je stekao 2010. godine na istom fakultetu. U periodu 2004-2006. godina bio je uposlenik Ministarstva unutrašnjih poslova Kantona Sarajevo, kada je završio i Policijsku akademiju Federalnog ministarstva unutrašnjih poslova. U toku trajanja studija bio je stipendist fondacije "Obrazovanje gradi BiH". U dosadašnjem periodu bio je angažiran na realizaciji naučno-istraživačkih i projekata iz domena kreiranja i provođenja javnih politika u područjima međunarodne policijske saradnje, borbe protiv imovinskog kriminaliteta, korupcije i pranja novca, finansijskih istraga i oduzimanja nezakonito stečene imovine. Posebno se bavi nastavno-naučnim angažmanom u domenu strateškog planiranja i prognostike kriminaliteta.

Angažovan je kao ekspert, konsultant od strane vladinih institucija i nevladinih organizacija, kao i međunarodnih tijela u oblasti kreiranja i evaluacije različitih strateških dokumenata posvećenih suprotstavljanju pojedinim oblicima kriminalnih i asocijalnih radnji. Tako je bio angažovan od strane IOM kao ekspert pri radnoj grupi Ministarstva sigurnosti BiH prilikom izrade Strategije Bosne i Hercegovine u oblasti migracija i azila 2012-2015. Bio je voditelj projekta podržanog od strane Foreign Commonwealth Office u okviru kojeg je razvijena Strategija suprotstavljanja trgovini ljudima u Bosni i Hercegovini 2012-2015. Od strane ICMPD bio je angažovan kao ekspert u implementaciji projekta u dijelu koji se odnosi na uspostavljanje efikasnih mehanizama za oduzimanje nezakonito stečene imovine u Bosni i Hercegovini. Kao jedan od eksperata učestvuje u izradi revidiranog Akcionog plana za unaprijeđenje sistema za zaštitu djece od dječije pornografije i drugih oblika seksualnog iskorištavanja putem informacionih i komunikacionih tehnologija čije razvijanje podržava Save the Children. Stalni je saradnik-konsultant Transparency International-a pri izradi izvještaja o stanju borbe protiv korupcije u Bosni i Hercegovini. Voditelj je projekta kojeg finansira Foreign Commonwealth Office u okviru kojeg se radi na podizanju kapaciteta Ministarstva sigurnosti BiH u području međunarodne policijske saradnje. Član je nekolicine domaćih i međunarodnih stručnih i naučnih udruženja. Sudjelovao je na nekoliko naučnih konferencija u zemlji i inostranstvu. Aktivno govori engleski i italijanski jezik. Autor je više od 10 naučnih radova u oblasti kriminalistike i kriminologije.